

騰越鄉土志

卷三四

原書，昔日舊世為一冊，人類戶口另為一冊

騰越鄉土志

耆舊

明

林興祖幼孤母性嚴急祖左右承歡善解慰母
疾檢方需虎睛調藥祖喟然曰履虎尾且啞人
睛安所得然不得睛則母病難愈祖禡暴虎亦
恐毀傷籌思無策晝夜涕泣俄城北虞人斃虎
往購其睛歸合藥服之母愈夫以難得者涕泣
得之亦誠孝之感格矣

騰越鄉土志 卷三 耆舊

一

萬歷丙子舉人張敬敷三上春官授教諭擢通
判屢受巡按薦剡以母氏鄭老乞歸終養定省
餘修輯廳志三卷今惟衛志存足不履城市著書養志
淡漠一官其誠孝亦可見矣

正統間蔣愈與次子剛從王驥征麓川累功應
升愈副千戶應授剛外所鎮撫剛白父曰祖宗
世為正千戶中葉副恥也今幸父子立功併之
祖武可繩愈曰蔭子以長我死職不汝襲奈何
剛曰子弟竭力於父兄分耳奚以得職為乃偕



白驥併功於愈為正千戶及卒長子襲剛竟無
爭友愛益篤不貪祿位惟期耀宗剛亦邊陲之
傑哉

吳潤以貢生授溫江教諭父在不忍遠游需祿
養親乃迎與往侶邑婉容無稍忤父歿扶櫬歸
葬服闋補上海教諭模範端嚴入上海名宦尋
解歸家居二十餘載卻芭苴愛庶弟宗族鄉党
稱孝友焉
楊廷秀性樸直樂善好施嘗路拾金以還其主

騰越鄉土志 卷卷 耆舊

二

親友稱貸多寡應之或不能償徑折券又置義
田以誨族人捐棺具以周貧困睦端任郵廷秀
其庶幾乎

諸生張鸞赴秋闈試友付金託為寄省旅次被
盜私囊悉為所劫友金獨存鸞乃貸金往省仍
以原金歸友人莫不多其義夫以常情處此囊
之空友得而聞金之存友不得而見藉盜沒金
友也何言而鸞恥為此可謂克信於友矣
吳榮暮歸遇屠兒醉臥道側墜金於旁為榮得

今僕守屠醒歸之周琮晚行亦得遺金伺拾金處至夜一人未備言借貸完賦出子於獄不幸失金子將瘦死獄中矣琮探得實還金其人分謝不受暮夜辭金不為利動榮與琮可以警末俗矣

陳世培夢熊子也三世祖升從征麓川以功授指揮使領騰戍兵昇沒子鑑襲職傳至夢熊攝騰衝衛篆嚴邊備勤簡閱父子兄弟人人知兵明季流寇孫可望叛踞滇稱王遣偽知州魯舜

騰越鄉土志卷卷耆舊

三

中及其党楊武來騰忌陳氏將兵難制欲誣以不軌無隙可乘適干崖司叛舜中乃誣陳氏與謀冤獄成死者百有八口棄文廟大車湖中屍骸山積培未受職僅杖六十賊以夢熊失教亦令杖六十培曰吾父老願代杖賊嘉其孝允之倍其數竟斃培杖下繼夢熊亦死於賊殘紳胡璇復進剗草除根說大索半月陳幾不祀天不絕仁者後世培子洪圖壯圖以計免永歷入滇叙邊功復陳氏職以壯圖為騰衝衛千總按此

事志乘不登故特表之

國朝

和順張宗仁事母孝家貧役於州署州主吳賞
侵首二仁懷歸奉母吳公奇之廉得其實獎以
聯曰孝溢騰陽郡仁多和順鄉其事至庸其心
至誠與江革行傭供母得稱巨孝同揆也故聖
賢不薄庸行匹夫可借大道

李汝蘭朗蒲寨人父德潤母氏呂均逾七旬妻
氏趙生子一尚幼成豐辛酉猖逆擊破寨蘭負

騰越鄉土志卷叁耆舊

四

父妻扶母逃呱呱幼子竟置弗顧而卒能保其
身以全其親亦常情所罕見矣

油燈庄庠生祝廷燮守道厲俗父嗣孝以齋廩
往府應明經選未試而終燮迎櫬歸里俗以尸
入門廷必凶阻之燮曰讀聖賢書何忍父極暴
露凶災不計也直昇入室停堂展祭消吉乃引
葬子孫功名轉過前人彼徇忌諱背天理者可
以鑒矣

朗蒲寨李曰俊者長兄某沒遺孤甫三歲俊子

亦三歲咸豐中寨破棄子負兄子以出嘗曰棄
吾子可再育棄兄子嫂無依由是撫孤同免於
難後俊子為夷得以金贖歸仍無傷慈使當日
寨破舐犢自私不顧兄後能已子之能獨全也
俊撫其侄天若陰相其子恩愛兩全悌弟之得
天厚矣哉

情莫深於寬負貸交莫大於恤孤貧革立齋渾
樸君子也有友貸多金懋遷於外歸在道觸瘴
歿遺子與女幼越數載其婦積金來償立齋弗

騰越鄉土志卷叁耆舊

五

納贈婦守節撫孤代終友事嗚呼一死一生乃
見交情平居酒食微逐出肺腑相示至友歿則
掉臂而去羞妻子之誰託矣如立齋者斯誠無
愧於友哉

北門李定安小西明元臣性均慷慨樂施與嘉
慶丁丑秋騰飢薪桂米珠餓殍盈野州牧伊倡
賑捐定安輸千金活飢民甚衆咸豐己未歲騰
再飢元臣命子於朗製療飢丸資賑者亦多又
捐買義田十畝祀田七畝廳事詳以贍寒十而篤

宗盟之二人者上下百餘年時不必同事不盡類其濟人利物之心固先後一致也

古永楊葉廣孝友嚴肅更篤親誼咸豐丙辰冬回變外弟梁大才大印村破家燬灰燼中遺百骸鄉人識名者九十七餘三人或云賊屍廣檢才印與其母妻子女埋之印遺孤正寵甫八歲携歸撫育越十載媒贅周姓卒以子女歸宗辛酉秋蔡逆兵壓境外兄秀超殉烈子媳隨亡遺幼孫德增德厚廣仍教養成入始去至今子孫

騰越鄉土志卷卷耆舊

六

昌熾以儒名家天道福善豈或爽耶

鄉賢學問名儒

明

正德丁卯舉人易翼之字孔彰由崇慶學正擢長壽縣為政明大體不事苛細忤上峯意歸隱龍川江至老手不釋卷著四書音義會編春秋經傳會編詩話彙鈔古今詩評騰司志稿書皆行世學者多從之所如不合退而閉戶著書是

大有功於名教也

來鳳山人吳璋嘉靖乙酉登賢書過浙學於王陽明三年養益遂授長壽教諭倡明理學教人致知力行去蜀歸隱丁亥永昌嚴守時秦蒞騰公餘龍硿觀瀑奇其境命工築龍光台而璋為記千態萬狀如繪筆端有慮澄襟滌天宇曠清句璋蓋引以自况也理境澄澈學者稱執齋先生其有取於擇執齋莊之意乎中歲吳宗堯嘉靖癸卯舉人歷任馬湖同知調補延平所至有

騰越鄉土志 卷卷 耆舊

七

政聲終養歸從甘泉道林游講求正學刻道南錄為學者指其迷津州牧沈祖學修志稿皆出堯手叙而能斷又著諸夷近騰說形勢道里論詳州志於夷情險易山川要害瞭如指掌昔人謂其見用功業當不在文襄下蓋以其學有本原又能不以窮達易轍也

易人常處士恆之孫父早沒母病躬侍湯藥七年為文典實尤工於詩宏治辛酉秋中鄉式年逾三十會試卒於途遺時軒吟稿修撰楊升菴

為撰墓誌表其行誼云
葉靜侯純孝謹言潛心理學中年每謂帖括小道無益於時遂隱雪山廢舉子業以經世言自命著孝經演義八卷垂訓後人子自沛平以孝聞讀父書親手澤其得於家庭教育者深哉

國朝

道光壬子舉人李含英性倜儻處事明尹藝金澤同時友也藝胆畧邁眾澤發奮有為甲午乙未秋先後登賢書咸豐丙辰歲杜逆反陷大理

騰越鄉土志卷叁 耆舊

八

城騰回匪與勾通作亂英澤籌餉徵兵勞甚辛酉賊陷城不屈而死英澤俱遇害蒙恤各廕一子藝練團拒賊固守河西親往司地聯兵在道遇賊戕斃事聞仍廕一子三人拒賊同遇難同廕子亦同均以詩文傳世而英藝尤多名將

國朝

明光左大碓負奇畧善易數地理寢卧或有蟒繞旋人驚異之道光中永昌順甯雲州回變林

文忠公來勦調雄從征所至有功林噐之師捷
酬庸林欲保以鎮協雄辭求為世襲土千總林
嘉其讓為請於

朝報如所請獎賜忠勇巴圖魯後永郡土匪范慶
春不靖党翼萬十日肆淫虐殘掠鄉里府縣莫
能制大吏下雄捕之人謂匪眾勢張其鋒難死
雄乃隻身匹馬生擒慶春械繫送省將行匪党
蜂聚約於出騰搶劫同時為亂雄知之聲音走
通衢關坡徑由間道枯科潛往送省正罪匪失

騰越鄉土志 卷叁 耆舊

九

渠魁勢洩永亂平自是忠勇之名愈噪登山望
氣又謂烏索險惡回賊踞此必為異日禍機成
同間賊果叛據其地圍攻數年賊銜之使人行反間計
乃拔足覬大雄先見

紹雄曰小江諸夷服公威望能一至即內附且
其地多金鑛開之足充餉課野夷導雄往勘殺
之先大星墜雄屋其母亦夢東門傾陷告雄曰
子勿他往雄筮之云過晡始吉未幾日中即於
小江遇害騎逸歸巨蛇隨入戶至今左氏家廟
像祀之附蛇於座雖曰好奇寔誕降之霧也內

珍土匪外邊賊寇卒於小江殞命壞此長城惜哉以上事史志未載故詳之

護理騰越鎮劉光瑛古永監生子明欽副將銜均
以忠武著名咸豐辛酉騰城陷廳丞王秀毓以
憂勤先歿總兵明慶降瑛與子固守古永賊魁
蔡七二雄兵直搗象號十萬四圍村墟半多破
碎瑛父子獨能堅壁拒賊四才豪傑如洪應治
柴生藻蔣相士者先後來歸皆資臂助賊挖壕
築壘逼近箐口瑛夜巡師槍斃蔡七二大理

騰越鄉土志 卷叁 耆舊

十

杜逆聞之短氣向日約平滇黔掃盪中原逆謀
頓熄蔡牛即蔡七二有蔡牛不死禍患其有極乎然
則劉氏之功不在楊武愨公下矣

箐口之役辛酉冬蔡逆進攻蔡死秘不發喪者
五月圍攻如故同治壬戌賊師老糧盡始退七
月賊首馬國璽與馬遍四互阿城內將居民搶
掠驅逐復四出焚擾鄉練瑛屢擊敗之七年戊
辰與李珍國合兵攻城不下尋築大盈江堤引
水灌城賊大困十二年冬癸酉徐聯魁李維述

等用地砲轟倒城隅賊潰遁走烏索瑛父子與有力焉

匡勇巴圖魯李珍國者綺羅傑士也短小精悍口可容拳咸豐辛酉秋賊偽大將軍馬興堂馬國璽竊據騰城司獄張紹平舉家死之蔡逆繼至殘殺苛派珍國前以東路總統討賊矢不同天乃携家置干崖舊城聯絡各司結砦南甸新寨截賊要路賊偵舊城無備繞道襲之掠珍國妻楊氏及幼子含玉迫氏致珍國書招降氏佯

騰越鄉土志 卷卷 耆舊

十一

為許之紹以軒毛河一會至河邊則大呼珍國曰矢志滅賊勿以吾母子為念賊怒殺之擲其子以矛引刺為戲珍國不為之動由是上雪國耻下報私仇滅賊之志愈堅珍國以草澤興師七十餘戰所向披靡無敢櫻其鋒者城陷時鎮守皆降獨樹漢幟終其身不依違兩可而巾幗鬚眉亦解大義豈非相得益彰哉

珍國子含玉軒毛之役僉曰骨肉藩籓軍事午越二十餘年無何玉突至珍亦疑之審視腦瘡

痕果已子也初賊襲舊城掠嬰孩甚夥倉皇中以矛刺戲者必李代桃僵也玉實育於賊隨居永平為養子及冠妻以女玉辭曰姊妹可為夫婦乎賊告以故感且泣辭賊歸里珍國僅一子玉存宗祀賴以不墜光緒丙子吳公自修履廳任為玉母楊氏請於軒毛被難處建專祠祀之妻死於兵子虜於賊竟能俎豆馨香危巢羽卵天之所以報珍國者不甚厚耶

循吏

騰越鄉土志 卷三 耆舊

十二

明

汪誠者宏治舉人任廣安知州慈惠愛民歲旱傍儀門石崖露宿禱雨夜夢天大雨詰朝果然士民歡呼為作夢雨亭以紀其事云

王紹曾廉靜寡欲潛心學問通尚書毛詩善屬文宦遊廿餘載委徵屯糧出入無耗羨不以充私囊仕久愈貧然未嘗妄取且市官牛給軍戶

歷任民安堵當道重之

歷任地失考

林儒字成大嘉靖戊子舉人隱士林與其祖也

狷介有風節任塾江縣律已嚴人不敢干以私
在官日豪矜奸民皆潔身自好御下有法除煩
苛無傷大体卒於任登良吏傳

國朝

江臚號仁齋嘉慶辛酉進士歷任山西懷仁縣
絳縣居官嚴明循聲遠播卒于絳任囊橐蕭然
子扶欄歸苦無資絳民感之傾助賻儀輿觀出
城父老斷竹燒錢有泣下者非有惠政及民烏
能興感如是耶

騰越鄉土志卷三 耆舊

十三

忠節

國朝

賀朝崗號芝軒性廉有胆畧由行伍署永昌都
司威豐中黔苗倡亂蔓延府鎮將不可制崗奉
調援勦所向克捷大吏重之叙升遵義協旋署
威甯鎮凡有戰事成以忠義誓師繼配朱氏有
梁夫人風亦嘗易服從戎率家丁饋餉未幾苗
匪鴟張乘崗倉卒無備困乏及突圍出已負重
創回鎮卒囊無私積事聞以功照提督例賜

恤 賞葬銀八百兩世襲騎都尉兼一雲騎尉
世職

咸豐同治間回逆之變全騰蹂躪幾徧殉難者
不可勝數其有妻妾殉夫奴僕殉主士卒殉將
弁或舉家飲鴆或閉戶自焚或前驅陣亡或嬰
城死守見於廳志者凡百六十餘湮沒者尚多
尤可貴者當賊據地時竟有良回不甘從賊賊
威脅之即率家人婦子從容就義殉難之家亦
四十九自經者九人姓氏具詳廳志亦可謂明

騰越鄉土志卷卷者舊

十四

於順逆者吳故並紀之

附名宦祠 鄉賢祠

名宦鄉賢祠在城內東南隅文廟儀門外左為
名宦州志擬請入祠者元楊立義明則何福方
政侯璉楊甯樊瑩五人添入者有九人陳鑑嚴
時泰王惟賢漆文昌李幅沈祖學陳克侯余懋
學李之仁是

國朝則為唐翰弼為孔頴為哈興為吳楷與為屠
瀛述為陳宗海現建皆崇祀焉事詳新舊志編入宦績類

右為鄉賢首兩吳璋次解賓王祠制畧仿先賢儒東西兩廡咸豐十一年賊陷城祠燬同治中十三年吳啟亮履任以平賊餘款重建祠工未竣去光緒五年廳丞陳宗海繼修之自是規模煥然一新忠義節烈祠附

明

萬曆十年岳鳳罕虔搆蚌喉芥應裏緬賊率象兵數十萬以灣甸景宗真為鄉導寇邊陷順甯

騰越鄉土志卷叁者舊

十五

明年冬諸土司

孟養孟密蠻莫孟良木邦等

盡叛附緬賊勢愈

張將窺騰永榆諸郡疆臣劉世曾奏請以劉綎

為游擊鄧子龍為金騰恭將各提兵五千助勦

賊犯姚關二人伺間突出大敗賊於攀枝花地

子龍踢破象胆斬宗真及虔緹俘岳鳳父子宥

而撫之以夷攻夷直抵阿瓦城下揚兵而還皆

以功進副總兵先是子龍榮戰臨州收余懋學

於東門外十里抵塘築萬華館居之右為官廳

緬事甫定劉鄧去州人思之於館後廳配塑綎

像兵燹燬光緒十四年廳丞陳宗海為建廟宇
合祀之前門即塘房額曰二忠祠

原劉二氏吳宗堯入鄉妾相視無猜事堯以順

堯卒原劉撫尸號泣痛不欲生中宵偕服毒賴

姑救藥甫甦延喘三日原又自縊劉以庭有兩

喪遽難引決既殮堯復殮原乃潛入窹室自縊

事聞旌曰雙烈建坊入祠

萬曆時夷婦罕送其夫名失投緬長子思順從

之送與吹子思華孫思尚守蠻暮後順棄緬歸

騰越鄉土志 卷叁 耆舊

十六

緬犯邊放縱窺蠻暮順恐復投緬師退順使人

迎母罕送母斬使者函其首率子華孫尚未歸

勝朝嘉其忠義棲之于崖歲給銀米贍之壯哉

罕送遭夫及子反覆無常乃能斬使拒子懷忠

効順雖古烈丈夫不是過也

罕思義者宣慰罕奉侄母孟養思氏妻磔飄亦

思氏萬曆間緬酋莽應裏瑞子內侵萬曆十年岳鳳以隴

取馬南甸芒市三司起義同母思氏歸保孟養劉鄧

奉命征緬思氏與義乘機驅殺緬兵復密堵速

送李材傳及新志俱作二城歸命勝朝應裏向義徵

兵不應遂攻二城義戰不勝死之礫飄聞之亦

縊死其母堅守待救金騰道李材命參將劉天

俸往援俸憚行令把總杜拭李朝率少兵往密

以旗幟軍械授思氏分布遠近緬疑大兵至驚

遁思氏追擊之斬首千餘級

諸生林鳳妻閻氏鳳病久方葯罔效氏密割股

啖之仍弗愈既彌留鳳謂氏曰吾病入膏肓自

度不免柰何親老汝少氏泣曰所不能殉君者

騰越鄉土志卷卷耆舊

十七

以二子尚在襁褓耳敢有他志鳳歿氏喪葬盡

禮杜門毀容孝事翁姑卒完厥志天順間旌門

入節孝祠

國朝

文廟東廡右有祠焉其地舊為學署州人士遷

學南門通衢西偏乃改建祠崇祀節孝貞烈自

明至今凡二百九十人載廳道光中祠圯州牧

李恒謙重修之咸豐歲毀於兵光緒六年陳宗

海蒞騰鳩工再造題曰巾幗完人興坤維彰化

坊在城外東街亦宗海所建互相輝映亦風化女教之大端也

烈矣哉其李含瑞之二女乎瑞字芝生道光庚

子舉於鄉家政嚴肅生二女貞且慧咸豐辛酉

賊入綺羅二女從母匿村後山阿為賊所得爭

曳肘長女罵賊不屈死之尋犯次女女罵愈厲

亦死於賊一時雙烈流芳千古洵不愧士人女也

三烈女者一曰慶秀邦讀增生尹永安女解經

史辛酉賊破邦讀慶秀仰藥死一曰筱珍尹藜

女畏賊逼踰垣折趾母飲以藥甘之頃斃一曰

騰越鄉土志卷叁 耆舊

筱坤李氏女村未破時擲嫁衣簪珥與母訣曰

賊至兒誓死室中賊火其室果不出化為灰燼

夫死於葯與死於火均也讀廳志藝文凜凜尚

有生氣焉

張濟南妻藺氏為曰秀女十九于歸越五載濟

止無子氏冰清自矢以廩生伯兄炳南次子映

湘承嗣家貧織紵供養殮厯咸豐回逆之變顛

沛流離不易其志平居寡言笑常杜門自苦不

論人非光緒四年陳觀察宗海蒞騰任時為請

旌門建坊入祠年八十始終

王祚運女小字珍弟年二十餘待字守貞辛酉
之變蔡賊二蔡七圍古永攻破其寨祚運舉家奔
竄死者過半珍弟無依亦了身逃逸望閭左碣
樓以為父兄宗族在焉急趨求援賊欲生致為
妾尾之珍弟倉卒登樓則軍械具在寂無一人
賊眾逼近乃取火槍擊殺數人寡不敵眾懼為
賊污徑引刃自刎轟轟烈烈賊其如此貞烈女
子何哉

騰越鄉土志卷卷耆舊

十九

洪成鳳古永總統得恩女洪正妹也及笄未字
咸豐八年寨破居民流離成鳳被虜罵賊曰若
輩犬羊吾父殺戮餘孽耳賊佯不為怪執其手
背負而歸成鳳躑躅久之賊党蜂擁孰足以行
正忿極提刀追援至河中距數武為賊鎗斃成
鳳因莫能脫狙伏賊背賊以女力盡不復為備
不意一放手間突將賊雙目摘出賊乃擲成鳳
地磔其屍

趙氏廩生對墀女明詩禮年十九適諸生董大

昕為妻六載而昕沒遺孤在寬氏勵相舟節以
養老撫孤自任咸豐間舅姑先後繼逝姑樞在
堂未殯值髮逆亂攻犯董官村距二里鉦鼓相
聞村民驚竄氏脫簪珥募人舁樞往山暫厝越
明日賊火其室器物焚盡氏負子在寬逃得免
於難光緒戊寅廳丞陳宗海為氏申詳事
聞准建坊入祠